

TURISTĒNĒ JAUNIMA MARŠRUTĀ

Pakeliaukem pu Žemaitējē

MUKIENĒS DANUTĒS ĒR SUNGAILIENĒS
LORETAS PORTĒGRAPĒJĒS

Šis mūsa žornala numeris – aple vēitas, katras rēktom aplonkītē kuožnam iš mūsa. Aiško, kvēitam tamstas pakeliautē pu Žemaitējē, gal kēik pasoktē ēr i šali – i Burbiškē dvara (Radvilēškē rajuons). Laiks tam pats geriausis – bēngas muoksla metā (tonkē muokīkluos tou pruogo īr organizoujemas ekskursējēs), vasaras karštē dā neprasēdiejē, vēsor īspūdinga atgēmosēs gamtuos žaloma, žīdontiū suodnu kvapā ēr kuožnuo pamēškīe, dēdēsnemē medie širdi pliešontēs paukštīu gēismiū trielēs.

Tēi, katrēi miegst keliautē ēr jau īr skersā išēlgā išmaišē Žemaitējē, gal ēr pasakīs, ka nieka naujē če nebgali rastē, bet... Gīvenēms ruoda, ka kuožna iškīla, kuožna ekskursējē žmuogou gal doutē dēdlē daug naujē ēr gera, je tik ons pats tuo nuor.

Tēp ka atsēraskem koprēnē, dvēratī, gerū draugū kompanējē ēr... i keliuonē.

Pradiekem anou nu Žemaitējēs suostēnēs –Telšiū, miesta, katros tuoki statosa igava pu 1926 metu, ka Telšiū (bovosēs Žemaitīu) vīskupējēs cēntro bova pasirinkts tas miests.



Paklausīkem aple Žemaitīu žemēs istuorējē...

1. Varnē–Beržē–Medviegalē pēlekalnis–Puožerē–Biliuonē–Druobūkštē–Varnē (50 km).
2. Varnē–Pavandenē–Gērgždūtēs kalns–Medviegalē pēlekalnis–Beržē–Varnē (65 km).
3. Varnē–Pavandenē–Viekšnalē–Loukē–Šatrējēs kalns–Loukē–Biržuvienā–Baltininkā–Janapuolē–Varnē (60 km).
4. Biloniū pēlekalnis–Medviegalē pēlekalnis–Varnē–Pavandenē–Loukē–Šatrējēs kalns–Loukē–Kaunatava–Pabalvė–Žvierinčios (95 km).

